

C. A. I. B. XXIII.

26 Agus labhair an Tighearna re Maois, ag ràdh,

27 'Nuair a bheirear tarbh, no caora, no gabhar, 'an sin bithidh e feachd laithean fuidh mhàthair; agus o'n ochdamh là agus a sin suas, gabhar ris mar thabhartas a bheirear suas le teine do'n Tighearna.

28 Agus *ma's* bò no caora *bhios ann*, cha mharbh sibh i féin agus a h-òg 'san aon là.

29 Agus an uair a dh'ìobras sibh ìobairt-bhuidheachais do'n Tighearna, ìobraidh sibh i d'ar toil féin.

30 Air an là sin féin ithear suas i, cha 'n fhàg sibh a' bheag dhith gu madainn: *Is* mise an Tighearna.

31 Air an aobhar sin gleidhidh sibh m'aitheanta, agus ni sibh iad: *Is* mise an Tighearna.

32 Agus cha truail sibh m'ainm naomha-sa, agus bithidh mi air mo naomhachadh am measg chloinn Israeil: *Is* mise an Tighearna a ta 'gar naomhachadh,

33 A thug a mach sibh a tìr na h-Eiphit gu bhi a'm' Dhia agaibh: *Is* mise an Tighearna.

C. A. I. B. XXIII.

A GUS labhair an Tighearna re Maois, ag ràdh,

2 Labhair re cloinn Israeil, agus abair riu, *A thaobh* féisdean^a an Tighearna, a ghairmeas sibh a bhi 'nan co'-ghairmibh naomha, *is* iad *eadhon* sin m'fhéisdean-sa.

3 Sè laithean nithear obair, ach 'san t-feachdamh là *bithidh* fàbaid fois, co'-ghairm naomha: obair sam bith cha dean sibh *air*:

is e fàbaid an Tighearna e 'nar n-aitibh-còmhnuidh uile.

4 *Is* iad sin féisdean an Tighearna, *eadhon* co'-ghairmean naomha, a ghairmeas sibh 'nan amannaibh féin:

5 Anns a' cheud mhìos, air a' cheathramh là deug do'n mhìos air feasgar, *bithidh* càisg an Tighearna.

6 Agus air a chùigeadh là deug do'n mhìos sin féin *bithidh* féisd an arain neo-ghoirtichte do'n Tighearna: feachd laithean ithidh sibh aran neo-ghoirtichte.

7 Air a' cheud là bithidh co'-ghairm naomha agaibh: obair thràilleil^b sam bith cha dean sibh *air*.

8 Ach bheir sibh feachd tabhartas a bheirear suas le teine do'n Tighearna feachd laithean: air an t-feachdamh là *bithidh* co'-ghairm naomha; obair thràilleil sam bith cha dean sibh *air*.

9 Agus labhair an Tighearna re Maois, ag ràdh,

10 Labhair re cloinn Israeil, agus abair riu, 'Nuair a thig sibh a dh'ionnfuidh an fhearainn a bheir mise dhuibh, agus a bhuaineas sibh fhoghar, 'an sin bheir sibh sguab do cheud thoradh bhur fogharaidh dh'ionnfuidh an t-sagairt:

11 Agus luaisgidh e 'n sguab 'an làthair an Tighearna, chum gu'n gabhar ria air bhur son: air an là màireach^c 'an déigh na fàbaid luaisgidh an sagart i.

12 Agus ìobraidh sibh air an là sin an uair a luaisgeas sibh an sguab, uan firionn gun ghaid, do'n cheud bhliadhna, mar ìobairt-loisgte do'n Tighearna.